





اولمیان بر مسئله مواجهه سنده بولنورسهك نه یاپارسك؟ دیر. قاضی سنت رسول الله ایله حکم ایده جکئی سویلر. «سندده» مثله تصادف ایده مزسهك؟ استیضاحی اوزرینه «رأیله اجتهاد و آرقداشلیک رأینه مراجعت ایده رم.» جوابی ویریر. كذلك امیر المؤمنین عمر ابن الخطاب قاضی شریحه یازمش اولدیی شوتحریرات مألیده بحك ماهیتی تنویر ایدر: «اما بعد فاذا جاءك شیء فی کتاب الله فاقض به ولا یلفتنك عنه الرجال فاذا جاءك امر لیس فی کتاب الله فانظر سنة رسول الله فانظر ما اجتمع علیه المسلمون فخذ به» کتاب اللهده حقنده حکم موجود اولان برایش کلیسه آنك حکمنه توفیقاً حکم ویر وخلقك بویاده در میان ایده جکئی افکار و مطالعات حکم قرآنه امتثالک مانع اولماسون. کتاب اللهده موجود اولمیان بر حادته مواجهه سنده بولنورسهك سنت رسول مراجعت ایده رك آنکله فصل خصوصیت ایت. نه کتاب اللهده، نه سنت رسولده مدار تطبیق اوله حق بر حکمه ظریاب اوله مدینک بر مسئله قارشیدنه قالیرسهك عینی مسئله حقنده مسلمانلرک فکر آمتفق بولندقلری صورت حل و تسویدی قبول ایت.

بو محاسن اجتماعیه عهد رسالتینا هیله عرار آرمسند و جودی اولان شیردن اولسه یدی، یاخود فارس و روم ممالک جسیمه سنده تطبیق ایدیه کلکده اولان قوانین مدنیهك دهشت رس افکار اولان بونظام بدیع ایله تماس ایدر جهتری بولنسه ایدی، بزده علیه الصلاة والسلام اقدمزك بری امی اولدیی حقیقته قارشى اغماض عین ایده رك قوانین شرعیهك وضع و تقریری خصوصنده آنك شام سفر یکانه سندن اقتباس فیض ایتش اولدیی ادعا ایدلره مامشات ایدردك و علوم قرآنیه یی جناب رسولك او موهوم شخص رومیدن اخذ و تقی ایتش اولدیی ظن ایده بیلمك خصوصنده وجدانلریزه غلبه ایتکه چالیشیر ایدك. فقط بز شوراده او وقتلر شرق و غرب عالنده احکام و معاملات حقوقیهك طرز جریاننه دائر برنبذه معلومات ویردکدن صکره کفارک رسول علیه السلامه قارشى اولان مغالطه کارانه مدعیاتی، قرآن حکیمک احتوا ایتدیکی احکام عادلنهك مأخذلرینه عائد ظن و ذهابلری حقنده حکم ویرمکی قارئینک وجدانلرینه ترك و تفویض ایده جکیز.

عهد نبوتده دیار فارسده احکام تمامیه اکاسره ایله کاهنلرک و اراضی اوزرنده حق تصرفی حائر بولسان متنفذان ایله دهقانلرک اللرنده بولنیور، بناء علیه ضعفا و عوام اوزرنده یالکز بولنرک حکم و نفوذی جاری اولیور ایدی. بالخاصه زراع و فلاحین صنفی ساکن بولندقلری اراضی ایله آنک داخندهکی حیوانات اوزرنده جاری بولسان احکام حقوقیه تابع اولوب حقوق اعتباریه هیچ بر امتیازلری یوقدی.

روما ممالککندده امر ونهی، نفوذ و قدرت تمامیه رؤسای

روحانیه و اشراف ایله قیصرهك ارکان و معینه انحصار ایتشدی. بر طاقم متنفذانك، شوالیهلرک حکمران اولدقلری سائر باربار ممالککندده ایسه صنف عوام امتعه و حیوانات کی الدن اله تداوله محکوم بر آلائی قول، کوله، یاخود بوزمره دن یالکز صاتیلوب آله مامقله تمایز ایده بیلن برر خدمتکار ایدیلر. بو ممالکده چفتی صنفی ده عمومیتله بوطبقه عائد بر کتله تشکیل ایدیورلر ایدی. مع مافیه صنف عوام هر هانکی قسمه عائد اولورسه اولسون منسوب اولدقلری سادات و کبرایه ارتباطلری محافظه ایتک و بولنرک ربقة اطاعتلری بیولنرندن آتوبده دیگر بر افندییه عقد رابطه حقندن محروم بولمق خصوصنده همجال ایدیلر.

هله بویچاره لرك چکدکلی اشکندجه لرك، کوردکلی مظالم و اعتسافاتك انواع و ماهیاتی حقنده بر فکر ایدینه بیلمک ایچون تاریخ عمومی صحیفه لرینه مراجعت ایدلک ایجاب ایدر.

واقعا بر قسم باربار ممالککندده اتباعه افندیلری بر اقوبده دیگرلریله بیدای ارتباط حق بخش ایدلشدی. فقط بوده مطلق اولیوب ایلک افندیلرینه فدیة نجات طرزنده بر مقدار مان ویرمکه مشروط بولیوری. اتباع بر مال ایدلک ایستدکلی زمان آنک بر قسمی افندیلرینه ویرمک مجبوریتنده بولنیورلر، حکومت غایت فاحش بر ویرک ویرمدکجه اراضی و عقار اوزرندهکی حق وراثتلرندن مستفید اوله میورلر ایدی. آنلر ایچون بغدایلری اوکوتک، اکمک یا به بیلمک مطلقا بولنرک بر قسمی افندیلرینه تقدیم و اتخاف ایتکه وابسته ایدی.

بو زوالیلر مزروعاتی حصاد ایتدکلی زمان کایسا ایچون محصولاتك عشرینی، حکومت ایچون یکریمی ده بری، سائر علاقه دارانده علی مراتبهم حصه مصیده لری تفریق ایتدکجه او محصولاتدن استفاده حقنی حائز دکالر ایدی. اذن آلمدکجه افندیسنک خانه سندن بر طرفه آریله مامق، افندیسی چاغرنکجه درحال لیک خوان اولمق، وبتون آمال و مطالبی انفاذه آماده بولمق، دوکون درنک یا بدکجه هدایای فاخره تقدیمله تأیید رابطه چالیشمق بوکیلر ایچون وظائف نسبت و تابعیتك اک بسیط ایجاباتندن ایدی.

بولنردن هر هانکی برینک تأهل ایده جک اولان قیزی، تصادفاً کندیسی رؤسای مسیحیه دن ده اولسه، زفافی اجرا اولونمازدن اول افندیسنک خلوتکه ذوق و سفاهته سوق و ادخال ایتسی بر غننه حکمند بولنیوردی. ایشه اوزمانلر کوله واسیر اولمیانلرک حریت شخصیه و حقوق مدنیه نامنه مستفید اوله بیلدکلی شیلر قسماً بوکی شیردن عبارت اولوب صنف عبیدی تشکیل ایدنلرک شرائط حیات و معیشتلری اعتباریه نه الیم بر درکة ذات و سفاالتده بولندقلرینک تصویر و بیانی ایسه امکان خارجنده در.

عبدالمزیز چاوش

مترجمی: محمد شوکت